

Cofnodion Cyfarfod Cyngor Cymuned Llanddeiniolen 7fed Dachwedd 2023

Croeso ac Ymddiheuriad - Rhoddwyd Croeso gan Yr Is-gadeirydd a gair o weddi gan Idris Thomas

Presennol - Y Cadeirydd Jane Pierce ynghyd a'r Cynghorwyr, Ynyr Parri, Phyllis Ellis, Idris Thomas, Elwyn Jones, Gareth Griffiths , Gareth Hughes

Croesawyd Y Cyngorydd . Berwyn Parry Jones

Ymddiheuriadau - Rhian Evans-Hill, Emma Chappell, Ellen George, Elfed Wyn Williams, Sasha Williams, Dawn Parry a Lowri Ann James

Datgan Buddiant -Dim.

Cofnodion 3ydd Hydref 2023

Cafwyd y Cofnodion yn gywir:

Idris Thomas (1)

Gareth Hughes (2)

Materion o'r Cofnodion

Meinciau- Wedi archebu 2 fainc ac mae 'r meinciau eraill wedi cael ei pheintio cyn y gaeaf.

Llwybr o Gae Corniog - Mae'r llwybr yn glir, ond mae angen arwyddion ar y llwybr i ddangos y ffordd trwy'r cae.

Chwynnu Tre Gof - Y clerch i gysylltu ag adran tacluso cymunedau,

Gohebiaeth a Materion Eraill

Llythyrau Diolch - Derbyniwyd llythyrau diolch am roddion ariannol gan Glwb Rhiwen, Pwyllgor Neuadd Penisa'r-waun a Chlwb Bro Bethel.

Cysgodfan Cae Glas, Rhiwlas - Derbyniwyd llythyr cais am gysgodfan gan Elfyn Jones Roberts. Rydym yn ymwybodol nad oes cysgodfan yma, ac mae'r pwynt wedi cael ei godi yn y Cyngor yn ystod y flwyddyn, ond gyda cysgodfannau yn costio oddeutu 8000 yr un, mae'n amhosib ystyried mwy nac un cais y flwyddyn, Felly, gan fod hwn yn gais ar safle sydd yn hollol newydd, mae yn rhaid i'r Cyngor Cymuned yn gyntaf gysylltu gyda'r adran yng Nghyngor Gwynedd, I weld os ydi yn bosib gosod Cysgodfan ar y safle i gydymffurfio ac lechyd a diogelwch. Unwaith cawn gadarnhad o hyn, byddwn wedyn yn gallu symud ymlaen i chwilio am gysgodfan addas o fewn y gyllideb.

Cynllunio

Derbyniwyd y ceisiadau canlynol:

C23/0770/18/DT - Dolwen, Llanrug

Cais i ddymchwel ystafell wydr, codi ystafell wydr newydd ac ymestyn tŷ presennol i ffurfio llawr cyntaf. Dim Gwrthwynebiad.

Canllawiau Rhoddion Ariannol

Penderfynwyd fod angen edrych ar y canllawiau, ac yn wir osod canllawiau ar gyfer ceisiadau i roddion ariannol. Mae'n rhaid i'r Cyngor fod gyda thystiolaeth gadarn ein bod yn rhoddi arian i gymdeithasau er budd ein cymunedau. Mae yn rhaid felly sicrhau fod manylion cywir gennym wrth ystyried rhannu rhoddion. Mae angen gwybodaeth pam ac i ba reswm bydd yr arian yn cael ei wario, Un broblem rydym yn weld yn flynyddol ydi diffyg gyrru Mantolen ariannol wedi ei ardystio. Felly, dros y misoedd nesaf bydd y Cyngor yn creu canllawiau a ffurflen fydd yn rhaid i gymdeithasau eu gyrru yn flynyddol i'r Cyngor ystyried eu cais.

Trafodaeth Gychwynnol Cyllideb

Yn flynyddol, mae'r Cyngor yn gorfod edrych ar y gyllideb, er mwyn penderfynu ar praesept. Nod Y Cyngor eto eleni yw cadw'r praesept mor isel â phosib fel ein bod yn ceisio cadw cost lawr ar deuluoedd sydd o dan bwysau yn sgil effaith costau byw uchel. Mae'r Praesept dros y 3 mlynedd ddiwethaf wedi bod yn £31,000 sydd ar gost eleni ar dai mewn Band D yn £16.56 y flwyddyn. Bydd y praesept yn cael ei osod ym mis Ionawr.

O Gwmpas y Bwrdd

Neuadd Rhiwlas - Dywedodd y Cyngorydd Elwyn Jones fod pwyllgor Neuadd Rhiwlas wedi bod yn llwyddiannus y neu gais i dderbyn grant o SPF I roi cynllun solar a batri i mewn bydd yn galluogi'r neuadd dorri lawr ar gostau ynni yn y dyfodol. Newyddion Gwych.

Priffordd ger Tŷ Mawr ar yr A4022 - Mae yna dwll mawr yn y ffordd lle mae pob cerbyd yn gorfod symud i'r ochor i osgoi, gan fod yn ganol ffordd ceir. Mi fuasai yn gallu achosi damwain, ac yn sicr yn creu niwed i geir sydd yn mynd i'r twll, neu ddim yn ymwybodol ohono.

Hyfforddiant Cymraeg - Bu I gyngorydd fynychu 2 gwrs hyfforddiant a oedd i fod drwy'r iaith Gymraeg ei symud i'r un Saesneg, oherwydd diffyg niferoedd ar y rhai Cymraeg. Ysgrifennu I Unllais yn dangos ein siom am hyn. Tybed faint sydd yn rhaid mynychu'r cyrsiau iddynt gael eu rhedeg yn Gymraeg.

Caban Brynrefail

Cafwyd ymateb gan Berwyn Parry Jones o drafodaeth a fu mewn cyfarfod i drafod dyfodol y Caban ym Mrynrefail. Roedd cyfarfod wedi ei drefnu gyda'r Cyngor Gwynedd a'r 4

cyfarwyddwr sydd ar ôl i drafod y les sydd yn dod i ben o fewn 4 blynedd. Pan gychwynwyd ar y fenter yma roedd yna gynrychiolaeth o'r pentref, ac o'r Cyngor Cymuned, ond rhywsut, mae hynny wedi cael ei ddileu. Mae'r Cyngor Cymuned a'r Cynghorydd Sirol yn awyddus i ail godi'r sefyllfa yma yn ôl fel bod fwy o fewnbwn yn cael ei roi o'r gymuned. Mae Berwyn wedi cynnig hyn iddynt, ond nid oes ymateb wedi bod hyd yn hyn. Mae Cyngor Gwynedd yn barod i roi trafodaeth ac i ystyried estyniad i'r lles, ond yn cytuno bod rhaid bod mwy o drafodaeth a chydweithio yn y gymuned. Ni does ganddynt gynllun busnes chwaith ar hyn o bryd, felly, bydd y trafodaethau yn parhau gan obeithio sicrhau dyfodol llewyrchus i'r Caban.

Cadarnhau Taliadau:

669 - £1302